

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), člana 1., člana 5. tačka b), člana 8. stav (1), člana 9. i člana 10. Odluke o prihvatanju kreditnog zaduženja prema Ugovoru o zajmu između Bosne i Hercegovine i Evropske banke za obnovu i razvoj (EBRD) i Bosne i Hercegovine i Razvojne banke Vijeća Evrope (CEB) za projekat „Izgradnja regionalnog vodovoda Plava voda“ („Službene novine Zeničko-dobojskog kantona“, broj: 7/17 i 7/21), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 107. sjednici održanoj dana 17.05.2021. godine, d o n o s i

ODLUKU

o davanju ovlaštenja za potpisivanje ugovora, mjenica, mjeničnih ovlaštenja i drugih dokumenata potrebnih za realizaciju kredita kod Razvojne banke Vijeća Evrope (CEB) za projekat „Izgradnja regionalnog vodovoda Plava voda“

Član 1.

(Ovlaštenje Premijeru Kantona za potpisivanje ugovora)

Ovlašćuje se Premijer Kantona Mirnes Bašić, da u ime Vlade Zeničko-dobojskog kantona potpiše ugovore za realizaciju kredita kod Razvojne banke Vijeća Evrope (CEB) za projekat „Izgradnja regionalnog vodovoda Plava voda“, i to:

- a) Podugovor o zajmu između Federacije Bosne i Hercegovine, koju predstavlja Federalno ministarstvo finansija i Zeničko-dobojskog kantona,
- b) Podugovor o zajmu između Zeničko-dobojskog kantona i JP RV „Plava voda“ d.o.o. Travnik,
- c) Ugovor u vezi otplate kredita za Projekat „Plava voda“ između Zeničko-dobojskog kantona i JP Regionalni vodovod Plava voda d.o.o. Travnik.

Član 2.

(Ovlaštenje ministru Ministarstva finansija za potpisivanje mjenica i mjeničnih ovlaštenja)

Ovlašćuje se ministar Ministarstva finansija Josip Lovrić, da u ime Vlade Zeničko-dobojskog kantona potpiše mjenice, mjenična ovlaštenja i druge dokumente potrebne kao sredstvo obezbjeđenja zajma za realizaciju ugovora iz člana 1. ove odluke.

Član 3.

(Stupanje na snagu i objava Odluke)

Ova odluka stupa na snagu danom donošenja i objavit će se u „Službenim novinama Zeničko-dobojskog kantona“.

PREMIJER

Mirnes Bašić

Broj: 02-11-7023/21

Datum, 17.05.2021. godine

Zenica

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Ministarstvo finansija,

1x Skupština Zeničko-dobojskog kantona,

1x Stručna služba Vlade,

1x „Službene novine Zeničko-dobojskog kantona“,

1x a/a.